

جَزَائِرِ مَحَاكِمِ

جمعه ایرتسی

نومرو	شوال	سنه	مارت	سنه	مخيفه
۸۱۶	۱۱	۱۳۱۲	۲۵	۱۳۱۱	۱۱۳۷۳

(اشبو غزته بهر هفته جمعه ایرتسی کونلری جیقار . سنه لکی درسعات ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی ینه مجیدیه یکر می غروش اولوق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دأره سنده کأن جریده محاکم اداره سنه مراجعت ایللیدر)

قسم رسمی

رؤی رسمنك تأخر تحصیلي و بناءً عليه حقوق
 خزینة نك ضیاعی موجب اوله جفتندن مکتومات
 ظهورنده و اصحابنك عدم قبولی حالنده اصول
 وقواعد نظامیه به توفیقاً مجلس اداره جه تدقیقات
 و محاکات لازمه بالا اجرا اعلام تنظیمی ایله ایکی
 قات رسم استیفاسی و شاید اصحاب اغنام طرفندن
 محکمه به مراجعتله دعوی وقوعبولور ایسه مواد
 نظامیه حکمنجه وظیفه مسئلهمی در میان اولنورق
 عکسنه قرار ویرلدیکی تقدیرده استیناف و تمیزه
 مباشرت اولنمسی خصوصنك ایجاب ایدنلره تعمیماً
 تبلیغی شورای دولت تنظیمات دأره سندن قلمه

(فی ۶ شوال سنه ۱۳۱۲ وفی ۲۰ مارت سنه)
 (۳۱۱ تاریخنده درسعات ایله بالجمله ولایات)
 (استیناف محکمه سی مدعی عمومیلرینه و مدعی)
 (عمومی بولنمیان محللر مدعی عمومی معاونلرینه)
 (یازیلان تحریرات عمومی صورتیدر)

اغنام مکتومه دعوالرینك محاکم نظامیه ده

النان مضبده کوستریلوب بوبایده داخلیه ومالیه نظارت جلیله لر بنده معلومات اعطا قلندینی بیان عالیسیله محاکمه دخی تبلیغات اجرایی ۱۱ شباط سنه ۳۱۰ تاریخلی تذکره سامیه ده امر واشعار بیورلش واولوجهله اقتضا ایدنلره اجرای تبلیغات اولنمق اوزره اشبو تحریراتک نسخ مطبوعه کافیسی لفا کوندرلش اولدینی بیانیله ترقیم شقه نجی به ابتدار قلندی .

(فی ۷ شوال سنه ۳۱۲ وفی ۲۱ مارت سنه)
(سنه ۳۱۱ تاریخنده در سعادت ایله بالجه ولایات)
(استیناف محکمه سی مدعی عمومیلرینه ومدعی)
(عمومی بولنیمان محللر مدعی عمومی معاونلرینه)
(یازیلان تحریرات عمومی صورتیدر)

بوکره بالاراده سنیه حضرت خلافتیناهی
تأسیس بیوریلان علمیه تقاعد صندوقی نظامه سنک
اوتوز برنجی ماده سنده راساً بر محله تعیین ویا تحویل

مأموریت ایده چک نوابک اول امرده مذکور صندوقه ایلشکی اولوب اولدینی مجلس اداره اموال ایتمدن استفسار اولنهرق ایلشکی اولدیفنه دائر علم وخبر النمدقجه مجلس انتخاب حکامدن نیابته انتخاب ودوائر سائرهدن دیگر مأموریته تعیین قلمیه جفی محرر اولدیفندن مأمورین شرعیهدن برینک عدلیه جه بر مأموریته تعیین لازم کلدکده اول امرده مذکور صندوقه ایلشکی اولوب اولدیفنک بالتحقیق اکاکوره اجرای ایجابی مقام عالی فتواینهایدن باتذکره بیان اولنمش وکیفیت لازم کلنلره تبلیغ ایدلش اولغله اوراجه ده بروجه محرر ایضای معامله به دقت واعتنا اولنمق وملحقاته دخی تبلیغ ایدلک اوزره اشبو تحریرات عمومی نسخ مطبوعه کافیسنک لفا تسایرینه ابتدار قلندی .

قسم غیر رسمی

اینه کول بدایت محکمه مندن ۲۴ کانون اول سنه ۳۰۲ تاریخلی ویوزاون طقوز عـددی ایله ویریلان اعلامک تمیزی استعدایدن اینه کول قصبه سنه تابع قولاجه قریه سنده مقیم حاجی حسن اغا طرفندن حسین افندی وکاله دائره به کلش ایسه ده بمنزله قصبه مذکوره ده مقیم سریحان اغا کلدیکی کبی جواب لایحه سی دخی ویرمدیکندن مومی الیه حسین افندینک ایضاحات شفاهی سی استماع قلندی .

اعلام مذکورک مالی مرقوم سریحان اغانک مرقوم حسین اغا ذمتده بری امره محرر اولمق اوزره ایکی قطعه سند موجبنجه جهت کفالتدن الاجنی اولان اوتوزلیرا ایله التمش الی عدد مجیدی اون درت غروشدن مرقوم حاجی حسین اغانک شعر بداندن دولای تسلیاتی اولدینی تحقق ایدن الی مجیدینک محسوبیله متبایسنک مع فائض تحصیلنه قرار ویرلدیکندن ومستدعینک اشبو

قرار علیهنده کی اعتراضاتک خلاصه سی کندو . سنک کفالتی شرطه معلق وزمان مستقبله مضاف اولهرق منعقد اولدینی حالده محکمه جه بوراسنه دقت اولنمق سزین محکومیتنه قرار ویرلسی مخالف قانون اولدیفندن اعلام مذکورک تقضی طلبندن عبارتدر .

ایجابی مذاکره اولندقد اعلام مذکوردن اکلاشلدینی اوزره دعوی واقع امره محرر سنده مستند رؤیت وفصلی محکمه تجارت عائد اولدیفندن محکمه ابتدائیه جه تجارت محکمه سی صفقیله تشکل ایدرک کیفیتک رؤیت وتدقیق ایدلسی لازم کلور ایکن بوداژده اجرای معامله اولنماسی مغایر قانون اولدیفندن اصول محاکمه حقوقیه قانوننک ایکوز قرق برنجی ماده سی موجبنجه اعلام مذکورک تقضیه عائد اولدینی تجارت محکمه سنه حواله سنه وزیرده مفرداتی مرقوم اوچبوز سکسان سکرغروش مصاف محاکمه نک ایلروده حق سز چیه حق طرفه رجوع ایتک اوزره اول امرده مستدعی حاجی حسین اغادن النسنه فی ۲۰ تموز سنه ۳۰۴ تاریخنده متفقاً قرار ویریلهرک تفهیم قلندی .

بك اوغلی ایکنجی حقوق دائره سندن ه مارت
سنه ۳۰۴ تاریخی وایکوز اوتوزیدی عددی ایل
وبریلان اعلامك تمیزی استدا ایدن غلطه ده
طوپچیلر جاده سنده یوز طقسان سکر نوسرولی اوطه
ده مقیم دعوی وکیللرندن اسماعیل فاضل افندی
ککش ایسه ده مدعی علیه محمودیه خاندن ساکن
خانچیلر کتخداسی حسین بك کلدیکندن مستدعی
مومی الیهك ایضاحات شفاهیسی استماع قلندی .

اعلام مذکورك مالی مومی الیه حسین بكك
امور واقعه سنه وكالت ایتك اوزره اسماعیل فاضل
افندی به پیشیناً اعطا ایلدیکی بدی بحق ایرانك
وكالت مذکوره ده تکاسلندن طولانی وکیل مومی
الیه اسماعیل فاضل افندی تحویل غیاباً قرار
ویرلدیکندن ومستدعی اسماعیل فاضل افندی نك
اشبو حکم علیهنده کی اعتراضاتك خلاصه سی
کندوسی اجرای وکالتدن تکاسل ایتدیکی کبی
بوخصوص حقنده درسمادت بدایت محکمه سی
مدعی عمومیلکنه وپولیس مجلسنه تحقیقات لازمه
نك حواله اولندیفی تحت القلعه قره غولخانه سنه
مراجعت ایتش ایکن کندوسنه اجر محاطبله
صلاحیت کوسرلامش مغایر قانون اولدیغندن
بجمله اعلامك نقضی ومدعی علیه حسین بكك

جوابی دخی کندوسی مستعجل برخصوصه مومی
الیه اسماعیل فاضل افندی بی توکیل ایتش اولدیفی
حاله مومی الیه یوم محاکمه درسمادتدن غیوبت
وبروسیه عزیمت ایتکله کندوسی عزل ایل
دیگری توکیلله اجبار وشو وسیله ایله اصرار
ایتسنه مبنی حکم ابتدائی موافق اصول وقانون
بولندیفی بیانیله اعلامك تصدیقی طلبندن عبارت
بولنمشدر .

ایجابی مذا کره اولنده اعلام مذکور مآلندن
اکلاشلدیفی اوزره اسماعیل فاضل افندی طرفندن
موکل بهدن دولای درسمادت بدایت محکمه سی
مدعی عمومیلکنه مراجعتله اعطا اولنان اوراقه
دائر عندالحاکمه ابراز ایدیلان ایکی قطعه نومرو
یوصله سی حقنده اجرای تدقیقات ایدیلرک تبیین
ایده جک خدمته کوره لازم کله جک اجر مثلك
مذکور بدی بحق ایرادن تنزیلی ایجاب ایدر ایکن
بونده ذهول ایدیلرک ذکر اولنان بدی بحق ایرانك
تمامیله حکم اولنوسی مغایر قانون اولدیغندن
اصول محاکمه حقوقیه قانون موقتك ایکوز فرق
برنجی ماده سی موجبجه اعلام مذکورك نقصنه
وزیرده مفرداتی مرقم درتیوز سکر غروش
مصارف محاکمه نك ایروده حقسر حقیقه جق طرفه

رجوع ایتك اوزره اول امرده مستدعیدن
اخذ اولنمسنه فی ۲۴ تشرین ثانی سنه ۳۰۴
تاریخنده اکثریت ارا ایله قرار ویریلرک تفهیم
قلندی .

کنفری بدایت محکمه سندن استینافاً ۳ تشرین
ثانی سنه ۳۰۳ تاریخی ویکرمی طقوز عددی ایل
وبریلان اعلامك تمیزی استدا ایدن چرکش
قضاسنه تابع قره طاش قریه سی اهالی سندن قورت
اوغلی عثمان ایله عین علیهم قضاء مذکوره تابع
پیرام ویران قریه لی پیراقدار اوغلی محمد ودالقوز
قریه لی عثمان بك اوغلی عثمان ومختار دیگر عثمان
اغاردن یالکر عثمان بك اوغلی عثمان طرفندن
وکاله امین بك تعیین اولنان کونده دائره بکله رک
دیگر عین علیهم کلدیکندن وکیل واصیل
مومی الیه مانك ایضاحات شفاهیله ری استماع
قلندی .

اعلام مذکورك مالی مرقوم عثمان و برادری
محمد اغالره بلاولد وفات ایتش اولان خاله لری
هایشه دن انتقال ایدن معلوم الحدود مع مشتملات
برباب خانه ایله بر باب دکر منك اوتوز سهم اعتباریل
اون التی سهمی وبریحق دونم کروی ملک باغ
حقنده مرقومون محمد وعثمان و دیگر عثمان اغالرك
مدافعه درمیان ایلدکری تصرف دعوالرنده
تناقص وقوعنه مبنی مرقومونك املاک مذکوره به
مداخله واقعه لرینك منعبله مرقومان عثمان ومحمد
اغالرك مسئله میراثلری وجهله تصرف ایتلرینه
ومتوفاه مزبور نك عهده سنده مقید ایکی قطعه
ترلاک دخی محلولیتنه دائر چرکش بدایت
محکمه سندن وبریلان اعلامك فسخیله مرقومون
محمد وعثمان و دیگر عثمان اغالرك املاک مذکوره به
تصرفلری مجله نك بیك یدییوز اوتوز بدنجی
ماده سی موجبجه معمول به اولان طابو سنداتی
ایل ثابت اولدیفی بیانیله مرقومان عثمان و برادری
محمد اغالرك مداخله لرینك منعنه قرار ویرلدیکندن
ومستدعی عثمانك اشبو قرار علیهنده کی اعتراضاتك
خلاصه سی خصم لرینك ابراز ایلدیکی طابوسندلری
ساخته اوله رق استحصال ایدیلان قریه علم


و خبرلرینه مستند اولدیغنه دائر ابراز اولنان
شهادتنامه حقیقه تدقیقات لازمه اجرا قلنامسی
و بحله نك بیک یدییوز اوتوز یدنجی ماده سینه
یکلش معنی ویریلرک مبرز طابو سنداتنک قیود
خاقانیدن عد ایدلسی مغایر قانون اولدیغندن بحثله
اعلام مذکورک نقضی و میز علیهمدن عثمان وکیل
امین بکک نتیجه جوابی دخی اعتراضات واقعه
واهی اولوب حکم استینافی موافق قانون اولدینی
بیانیله تصدیق طلبندن عبارتدر .

ایجابی مذاکره اولندقدده اعلام مذکور
مندرجاتندن منظم اولدینی اوزره عندالاستینافی
اجرا قلنان محاکمه مرقومون محمد و عثمان و دیگر
عثمان اغا جانیدن ابراز اولوب محکمه جه مدار
حکم اتخاذ اولنان طابو سندلرینک ساخته اوله رق
تنظیم واستحصال اولنان قریه علم و خبرلرینه
مستند اولدینی مرقومان عثمان و برادری محمد
اغالر جانیدن ادعا و صورت ادعایرینی مؤید بر
قطعه شهادتنامه ابراز واعطا اولنش ایکن محکمه جه
مذکور شهادتنامه حقیقه تدقیقات مقتضیه
اجرا سندن ذهول اولنسی و بحله نك بیک یدییوز
اوتوز یدنجی ماده سنده ذکر و بیان اولنان قیود

دفتر خاقانیدن مقصد بوندن بر قاج یوز سنه اقدام
مؤتمن و موثوق محرر لر معرفت لریله تحریر و تنظیم
اولوب الیوم دفتر خاقانیده محزن مخصوصنده
کال دقله حفظ اولمقدده و اولوجهله شبهه نزویر
و تصنیعدن سالم بولنان دفاتر معتنا بها قیودی
اولدینی حالده ماده مذکوریه یکلش معنی ویریلرک
مذکور طابو سندلرینک قیود دفتر خاقانیدن
عدیله بلایینه مضمونلریله حکم ایدلسی مغایر
قانون اولدیغنه بناء اصول محاکمه حقوقیه
قانوننک ایکوز اوتوز ایکنجی و ایکوز قرق
برنجی ماده لری موجبجه اعلام مذکورک نقضه
وزیرده مفرداتی مرقم بشیوز قرق برغروش
مصارف محاکمه نك ایروده حقسز چیه جق
طرفه رجوع ایتک اوزره اول امرده مستدعیدن
اخذینه فی ۱۲ نیشان سنه ۳۰۰ تاریخنده موقفاً
قرار ویرلدی .

اردو بدایت محکمه سندن ۲۹ تشرین ثانی
۳۰۴ تاریخ ایل ویریلان اعلامک تمیزینی استدعا
ایدن اردو قضاسنه تابع پرشنبه ناحیه سنک قلعه
یقہ قریه سنده مقیم مصطفی و علی اغالر وکیل
حنیفه خاتون تعیین اولنان کونده دائره یه کلش
ایسه ده مدعی علیها قریه مذکورده ساکنه
قره اوغلی کریمه سی عایشه خاتون کلدیکی کبی
جواب لایحه سی دخی کوندر مدیکندن مزبور نك
ایضاحات شفاهی سی استماع قلندی .

مابعدی وار




محکمه استینافی حقوق قسمندن ۱۴ کانون
ثانی سنه ۳۰۳ تاریخ و اوچیز طقوز عددی
ایل ویریلان اعلامک تمیزینی استدعا ایدن حطب
قیوسنده اوچیز سکسان درت نومرولی دکانه

مقیم کراسته جی واسیلاکی وکیلی نیقولاک
افندی ایله میز علیها سلطان سلیم جوارنده دباغ
یونس محله سنده اون بر نومرولی خانه ده ساکنه
حسین اغا زوج سی فاطمه زهرا خاتم یوم معینه
دائره یه کلدیگندن ایضاحات شفاهی لریله باش
مدعی عمومی معاونی سعادتلو بورغاک افندینک
مطالعہ سی استماع قلندی .

اعلام مذکورک مالی مرقوم واسیلاکی ایل
مومی الیها زهرا خاتمک قنار خارچنده قیل برونی
اتصالنده الی اوچ والی بش نومرو ایله مرقم
مشترکاً متصرف اولدق لری ایکی باب ساحلخانه
ایل تحتسده واقع الی بر نومرولی قایقخانه نك
مصارف تعمیریه سندن طولای بیلرنده تکنون
ایدن منازعه نك اخیراً محکمه استینافی حقوق
قسمتجه اجرا قلنان محاکمه نتیجه سنده مذکور
ساحلخانه لر ایل قایقخانه نك تعمیریه حقیقه
زهرا خاتمک امر و اجازتی اولدیغنه دائر اولان
ادعاسنک ردینه و مصارف تعمیریه دن خاتم
مومی الیهانک حصه سینه اصابت ایتدیکی مرقوم
واسیلاکینک اعترافیه تحققی ایدن طقوز بیک
غروشک مرقومک تحت اقرارنده اولان اوچ
قلم قرق درت بچق لیرا ایله مستاجر میکه نك

ویردیک سنڊڪ حاوی اولدینی قرق لبرانك یوز
سکر غروشدن حاصل اولان طقوز بیک بدی
یوز اون التي غروشدن بالتزیل فاطمه خاتمك
واسیلاکی ذمتده یدییوز کسور غروش الهجنی
تینن ایتدیکنندن بختله مرقوم واسیلاکینك دخی
الاجق ادطاسنك ردینه قرار ویرلدیکنندن ومستدعی
تمیز واسیلاکی وکیلی نیقولاکي افندیك اشبو
قرار علیهنده اولان اعتراضك خلاصه سی
موکلنك حصه شایه سی صفارک اموالندن استدانه
اولئان اقیچه ایله تفرغ اولندیغنه بناءً حین
محاکمه مدعی عمومینك حاضر بولندیلمسی
اقتضا ایدجکندن وخصوصیله حکم استینافی
برماده قانونیه بنا ایدلدیکنندن بختله اعلامك
نقضی ومدعی علیها فاطمه خاتمك جوابی دخی
دعوی واقعه مدعی عمومینك حضورینی ايجاب
ایده جک درجده حقوق ایثام اولدینی و حکمك
برماده قانونیه استناد ایدللمسی نقضی موجب
اولمیه جنی بیانیله اعلامك تصدیق طلبندن
ومعاون مومی الیهك مطالعه سی دخی دعوانك
حقوق ایثامه جهت تعلق کوریه مدیکنه بناءً
بوابده اعتراضك موافق قانون اولدینی بیانندن
عبارت بولنمشدر .



کره سون بدایت محکمه سندن ۱۰ اغستوس
سنه ۹۹ تاریخی ویکرمی بش عددی ایله ویریلان
اعلامك تمیزینی تیره بولی قصبه سنده ساکن
جومار اوغلی حاجی اطم باعرضحال استدا
ایتدیکی حالده تعیین اولئان کونده کلدیکندن
مدعی علیها کره سون قصبه سنده حاجی حسین
محلله سنده مقیم ابراهیم اغا زوجہ سی حفیظه
خاتونك ایضاحات شفاهیہ سیله باش مدعی عمومی
معاونلرندن سعادتلو یورغاکی افندیك مطالعه سی
استماع قلندی .

اعلام مذکورک مالی مزبوره حفیظه خاتونك
مرقوم حاجی اطم ایله بیننده منحدث ایکی قطعه
فندق بفجہ سی دعواسنك کره سون محکمه سنده
رؤیتی لزومنه دائر تیره بولی بدایت محکمه سندن
صادر اولان اعلام استینافاً وتمیزاً تصدیق
قلندیکنندن بختله بوبولده وقوع بولان ایکی بیک
ایکیوز اوتوز اوچ غروش مصارف محاکمه
وسفریه سنك تحصیل حقه اقامه ایتمش اولدینی
دعوانك کره سون بدایت محکمه سنبجه اجرا
قلئان محاکمه نتیجه سنده مبلغ مدعا بهك تحصیلنه
حکم واعلام اولدیکنندن ومستدعینك اشبو اعلام
علینده اعتراضاتنك خلاصه سی اساس دعوانك

رؤیتندن اول مصارف محاکمه نك رؤیت و حکم
اولنسی و حکمك برماده قانونیه استناد ایدللمسی
مغایر قانون اولدیکنندن بختله اعلامك نقضی
ومدعی علیهانك جوابی دخی اعتراضات واقعه
غیر وارد ایدوکنندن ردیله اعلامك تصدیق
طلبندن ومعاون مومی الیهانك مطالعه سی دخی
صلاحیت مسئله سی مقدما رؤیت اولنوب
عندالتمیز تصدیق قلنمش اولدیکنندن بتکرار
تدقیقه محل اولدینی بیانندن عبارت بولنمشدر .

ایجابی مذاکره اولندیقده اعلام مذکور
مألندن اکلشله دینی وجهله مقدما وظیفه حقنده
سبق ایدن محاکمه نتیجه سنده مزبوره حفیظه
خاتون حق قزانش ايسه ده اساس ماده یه دائر
برکونه محاکمه اجرا قلنامش اولدینی کبی ادعا
وتحت حکمه النان مصارف نه مقوله شیلردن
عبارتدر مفرداتنك نه دعوی ونه ده حکم محلنده
بیان اولللمسی ومصارف مذکورده نك فضله
کورلدیکی بیانیله اسباب موجب قانونیه کوسترلیه رک
تزیل ایدلمسی وبوباده برکونا تدقیقات اجرا
اولللمسی یولسز واصول محاکمه یه مخالف
اولدیکنندن اصول محاکمه حقوقیه قانون موقتك
ایکیوز اوتوز ایکنجی وایکیوز قرق برنجی ماده لری

موجبچه اعلام مذکورك نقصنه وزیرده مفرداتی
مرقم ایکوز طقسان سکر غروش مصارف
محاکماتک ایلروده حقسز چیه حق طرفه رجوع
ایتمک اوزره اول امرده مستدعی حاجی اطمین
استیفاسنه فی ۴ شباط سنه ۳۰۴ تاریخنده اکثریت
آرا ایله قرار ویریلرک مزبورده حقیظه خاتونه
تفهیم قلندی .

در سعادت ایکنجی تجارت محکمه سندن .
ایلول سنه ۳۰۴ تاریخی و اوچوز یکریمی طقوز
عددی ایله صادر اولان اعلامک تمیزی استدا
ایتمش اولان استانبولده جلال بک خاندن یکریمی
ایکی نومرولی اوطه ده مقیم دعوی وکیللرندن
طنفر سیمون افندی وکیل ویرامش ابوح ویمز
علیه لاله لیده الی بر نومرولی خانه ده ساکن
حسین کافل افندیلر تعیین قلنان کونده دائره به
کلدرندن ایضاحات شفاهیه لریله باش مدعی
عمومی معاونلرندن سعادتلو یورخاکی افدینک
مطالعہ سی استماع قلندی .

اعلام مذکورك مالی مومی الیه حسین کافل
افدینک طنفر سیمون افندی ذمتسده صورت
قطعی بی اکتساب ایدن برقطعه اعلام موجبچه
غیر از استیفا یوز الی واشیا بهاسندن طولابی
ایکوز الی لیرا که جمعا درتوز لیرا مطلوبی
اولدینی مومی الیه سیمون افدینک سبق ایدن
اقراری واولسایده ابراز اولوب مقاولات
محررلکندن مصدق اولان امره محرر برقطعه
سند مندرجاتیله تحقق ایلدیکنه منی بر موجب
سند مرهون بولسان نصف خانه ک فروختیله
اثمان حاصله سندن مبلغ مذکورك مع اجرای
موقت تحصیل واستیفاسنه حکمدن و مستدعی
تمیز طنفر سیمون افندی وکیلک اشبو حکم
علیهنده کی اعتراضاتک خلاصه سی مبرز سند
قانون تجارت موجبچه تنظیم ایدلمش اولان
سندات تجاریه دن معدود اولدینی کی موکلی
صنف تجاردن بولمیدینی جهته اقامه اولسان
دعوانک رؤیتی حقوق محکمه سنه عائد ایکن
تجارت محکمه سنجه خارج از وظیفه رؤیت
اولنمی مفایر قانون اولدینندن بخله اعلامک
نقضی ویمز علیه حسین کافل افدینک نتیجه
جوابی امره محرر سنداتدن متولد دعاوی ک
رؤیتی تجارت محکمه سنه عائد بولمیدینی بیانیله

اعتراض مذکورك ردی و اعلامک تصدیق
طلبندن و معاون مومی الیهک مطالعه سی دخی
منازع فیه اولان سندک امره محرر اولسنه
منی دعوانک تجارت محکمه سنجه رؤیتی وظیفه
داخلنده ایسده مبلغ مدعا بهک تحت حکمه
التمسک من مرهون خانه ک فروخته قرار ویرلسی
وظیفه خارجنده بولمیدینی بیانندن عبارت
بولمشدر .

ایجابی مذا کره اولمده اعلام مذکور
مطالعہ سندن اکلاشلدینی اوزره بدایه اثبات
مدعا ضمنتده ابراز اولنان سندده امر و خاطرینه
و حواله سنه منالو تعییرات استعمال اولنمش
ایسده سند مذکور تجارت قانونک یوز قرق
در دنجی و یوز قرق بشنجی ماده لرند کوستریلان
وبین الناس تداول ایدن سپارش تحویلری قیلندن
اولیوب حاوی اولدینی مبالغ مقابلنده نصف
خانه ک رهن ایدیلرک فروختیله امانندن تسویه
دین اولنه جنی مقاوله سی حاوی مقاولات
محررلکندن مصدق برسند اولدینی کی مدعی
علیه اولان طنفر سیمون افدینک دخی صنف
تجاردن بولنامه سنه نظراً دعاوی واقعه مواد
حقوقیه دن اولوب رؤیت و فصل اولنمی وظیفه

خارجنده اوله رق قانونه مفایر اولدیننه و معاون
مومی الیهک اساس دعوانک تجارت محکمه سنه عائد
اولدینی حقنده کی مطالعه سی شایان قبول کوریله
مدیکنه منی اصول محاکمه حقوقیه قانونک ایکی
یوز او توز ایکنجی ماده سی موجبچه اعلام مذکورك
تقضیله قانون مذکورك ایکوز قرق اوچنجی
ماده سی موجبچه کیفیتک عائد اولدینی حقوق
محکمه سنه حواله سنه وزیرده مفرداتی مرقم
اوچوز التمش طقوز یقی غروش مصارف
تمیزیله یک ایلروده حقسز چیه حق طرفه رجوع
ایتمک اوزره اول امرده مستدعی طنفر سیمون
افدینک الخمسنه فی ۹ مارت سنه ۳۰۵ تاریخنده
اکثریتله قرار ویریلرک تفهیم قلندی .

در سعادت برنجی حقوق دائره سندن ۲۸
مارت سنه ۳۰۴ تاریخی و قرق ایکی عددی ایله
ویریلان اعلامک تمیزی استدا ایدن اقسرای
جوارنده چاقراغا محله سنده لنگه جاده سنده طقوز

نومرو ولا خانه ده ساکنه متوفی مائی ورته سندن
کیر اوغلی یورعا کی وصغیر اوغلاری صوقراط
و کریاقونک باجحت شرعیسه وصیسی والدملری
انسطاشیه قادینک وکیللری کرویہ افندی تعیین اولنان
کونده کلش ایسه ده مدعی علیک چارشوی کیرده
اوخیلر باشنده یدی نومرو ولی خانه ده مقیم حاجی
خره لمبوس کلدیکندن وکیل مومی الیهک ایضاحات
شفاهیه سیله باش مدعی عمومی معاوتلرندن
سماعتلو یورعا کی افندیکنک مطالعه سی استماع
قلندی .

اعلام مذکورک مائی وصی مزبورہ انسطاشیه
ایله کیر اوغلی یورعا کی مورثلرینک املاک
اثمانندن غیر از استیقا خره لمبوس ذمتده
مطلوبلری اولان قرق ایک لیرانک مع فائض
ومصارف محاکمه تحصیاتی طلب وادعا ایلملری
ومدعی علیه خره لمبوس دخی کندوسی املاک
تمنندن مورث مرقومه دینی اولان یوز یکریمی
لیرایه مقابل ترهین ایلدیکی یکریمی عدد شمندوفر
سنداتی مورث مرقوم بلااجازت فروخت
ایتمسندن رهین مذکور تسلیم اولندقجه کندوسندن
نسنه ارامقه صلاحیتی اولدیغنی مدافعه سرد
و ایراد ایتسی اوزرینه مذکور شمندوفر سنداتنک

یوم قبضنده کی قیمتلری ایدوسی بروسه
قومیسرلکنندن اخبار اولنان یوز اوتوز اوچ
لیرا قرق ایک غروش اون پاره دن اساس دین
یوز یکریمی لیرانک تنزیله ورته مرقومه نک
مدعی علیه خره لمبوسه اون اوچ لیرا قرق ایک
غروش اون پاره تضمین ایتلری لازم کلدیکندن
مدعی علیه جانبندن اشبو تضمین حقنده استدا
وقوعنده ایجابنه باقلمسینه قرار ویرلدیکندن
ومستدعیر وکیل کرویہ افندیکنک اشبو حکم
علیهنده کی اعتراضاتنک خلاصه سی شمندوفر
تحویلاتنک یوم قبضنده کی قیمتنک بالحساب اکا
کوره حکم اولنسی لازم کلور ایکن بوراسنه
دقت اولنامسی مغایر قانون اولدیغندن اعلامک
نقضی ومدعی علیه خره لمبوسک جوابی دخی
شمندوفر تحویلاتی قیمتندن اولدینی کی یوم
قبضنده کی قیمتلرینک تضمینی دخی حکم محلیه
اقتضاسندن واعتراضات مسروده واهی ایدوکی
بیانیله اعلامک تصدیق طلبندن ومعاون مومی الیهک
مطالعہ سی اعتراضات واقعه نک موافق قانون
کوریله مدیکی بیانندن عبارت بولمشدر .

ایجاب کیفیت مذاکره اولندقده صغیر حقنده
وصیتنک اقرار معتبر عد ایدلسی ومذکور

شمندوفر تحویلاتنک متوفایه رهن اوله قرق اعطا
اولدیغنه دائر اثباب ثبوتیه کوسترلدیکی کی
استعلام جوابنک دخی صغیر حقنده کافی عد
اولنسی ومحکمہ باش کاتبه مدعی عمومیک
وظیفه سنک ایضا ایتدیرلسی ودیکر طرفک مدافعی
ثابت اولدینی حالده ابروجه استدعایه حاجت
مس ایتدیرلسکسزین حکم ایدلک لازم کلور
ایکن بورالرینه دقت اولنامسی مغایر قانون
اولدیغندن اصول محاکمه حقوقیه قانوننک ایکوز
قرق برنجی ماده سی موجبجه اعلامک نقضنه
وزیرده مفرداتی مرقوم اوچ یوز یتیش دوت غروش
مصارف محاکمه نک ایلروده حقسز چیه حق
طرفه رجوع ایتک اوزره اول امرده مستدعیردن
المنسہ ۲ شباط سنه ۳۰۴ تاریخنده متفقاً قرار
ویریله رک تفهیم قلندی .




سوریہ استیناف محکمہ سندن ۵ اغستوس سنه
۳۰۲ تاریخی ایله ویریلان اعلامک تمیزی استدا

ایدن طربلس شام اها لیسندن نجیب خدار وکیل
عوادیس یوردامیان افندی تعیین اولنان کونده
دائرہ کلش ایسه ده مدعی علیه طربلس شامده
مقیم عبدالحمید خادم کلامش اولدیغندن وکیل
مومی الیهک ایضاحات شفاهیه سی استماع قلندی .

اعلام مذکورک مائی برقطعه باغچه منازعه سندن
طولایی طربلس شام بدایت محکمہ سندن علیهنده
ویریلان اعلامک استینافاً تدقیق مرقوم نجیب خدار
طرفندن استدا قلنمش ایسه ده اولباده تنظیم
اولنان کفالت سندی مقاولات محررکی
نظامنامه سنک اون اوچنجی ماده سنه مخالف
صورته تنظیم اولنمش اولدیغندن استیناف
استداسنک ردینه قرار ویرلدیکندن ومستدعی
نجیب خدار وکیل عوادیس افندیکنک قرار
مذکور علیهنده کی اعتراضاتنک خلاصه سی
کفالتنامه نک یولسزلقنه دائر استناد اولنان مقاولات
محررلری نظامنامه سنک اون اوچنجی ماده سی بوباده
مابه التطبيق اولدینی کی مدت استنافیه نک مرور
ایدوب ایتدیکنک تدقیقه مرور ایتدیکی صورته
نقصان شرائطک اکالی لازم ایکن بورالرینه
دقت اولنمسزین رداستدعایه حکم اولنسی مغایر
قانون اولدیغندن بجنله اعلامک نقضی ومدعی

قرق برنجی ماده لری موجبنجه اعلامك تقضنه
وزیرده مفرداتی مرقم اوچیوز طقسان طقوز
غروش مصارف محاکمه نك ایلروده حقسز چیه جق
طرفه رجوع ایتك اوزره اول امرده مستدعیدن
المنسنة فی ۲۰ كانون ثانی سنه ۳۰۴ تاریخنده
متفقاً قرار ویریلرک تفهیم قلندی .



در سعادت برنجی حقوق دائرة سندن ۱۴
تشرین ثانی سنه ۳۰۴ تاریخی و در تیوز بر عددی
ایله ویریلان اعلامك تمیزینی تلفراف محاسبه
اوطه سی کتبه سندن نظیف افندی وکیل قره کین
باعرض حال استدعا ایتدیکی حالد یوم معینده
کلامش اولدیفندن مدعی علیهما قوجه مصطفی
پاشا قربنده بش نومرولی خانه ده ساکن تلفراف
محاسبه جیسی سابق حافظ یحیی و موسی جمیل
افندیارک ایضاحات شفاهی لری استماع قلندی .

اعلام مذکورک خلاصه مالی موسی الیها
حافظ یحیی و موسی جمیل افندیلر کفالتلری

علیه عبدالحمید خادمك نتیجه جوابی کفالتنامه نك
مقاولات محررلری نظامنامه سنه مغایرتی جهته
یولسز اولدینی کبی مدت استینافیه نك مروری
دخی محکمه جه تحقیق ایدرک حکم واقع موافق
اصول وقانون ایدوکی بیانیه اعلامك تصدیق
طلبندن عبارت بولنشدر .

ایجابی لدی المذاکره مقاولات محررلری
کفالت سندرلری یالذات تنظیم و یا خود خارجه
یازدیریلوبده کندوسنه ابراز اولنان سندات
زیرینی تصدیق ایتکله مکلف اولوب سالف الذکر
اون اوچنچی ماده قانونیه مندرجاتی ایسه مقاولات
محررلرینک بالذات تنظیم ایده جک لری سندات
منحصر و معطوف بولمنسنة نظراً محکمه جه سند
مذکورک بوقیلدن اولوب اولدینی حقنده
اجرای تدقیقات ایله تبیین ایده جک حاله کوره
حکم ایدلک لازم کلور ایکن بوراسندن ذهول
اولنسی و مدت استینافیه نك مرور ایدوب ایتدیکی
حقنده دخی تدقیقات لازمه بالاجرا مدت مرور
ایتدیکی تقدیرده اکمال نواقص ایتدیرلمسی مقتضی
اولدینی حالد بویولده دخی اجرای تدقیقات
اولنماسی مغایر قانون اولدیفندن اصول محاکمه
حقوقیه قانون موقتک ایکوز اوتوز ایکی و ایکوز

ایجابی لدی المذاکره اعلام مذکور مندرجاتندن
اکلاشلدینی اوزره کفالت مذکور نك موسی
الیها حافظ یحیی و موسی جمیل افندیلر طرفلرندن
بالامر والقبول وقوعی جهته محکمه جه تعرض
اولنسی مقتضی ایکن بوراسنة دقت اولنماسی
وکفیلر طرفندن مبلغ مدعا بهک یوردانه تأدیه
اولدیفنی یا لکر تخلیصیه ثابت اولنمیه جنی مدعی
علیه حسین نظیف افندی جانبندن مدافعه در میان
اولدینی حالد بویولده دخی تدقیقات لازمه اجرا
اولنماسی مخالف قانون اولدیفنه مبنی اعلام
مذکورک تقضنه وزیرده مفرداتی مرقم در تیوز
یتش ایکی غروش مصارف محاکمه نك ایلروده
حقسز چیه جق طرفه رجوع ایتك اوزره اول
امرده مستدعیدن المنسنة فی ۱۳ نیسان سنه
۳۰۴ تاریخنده متفقاً قرار ویریلرک تفهیم
قلندی .



تحتنده اوله رق موسی الیه حسین نظیف افندی نك
بقال یورداندن استقراض ایلدیکی اوتوز لیرا
ایله فاضی بولنان در تیوز سکسان غروشک
بحسب الکفاله مرقوم یوردانه تأدیه ایدوب دین
سندینی دخی استخلاص ایتش اولدیفندن بختله
مبلغ مذکورک مکفول عنه حسین نظیف افندی
تحصیلی طلب وادعا وسند مذکور ی ابرار و اعطا
ایتملری اوزرینه ذکر اولنان اوتوز لیرا ایله
جدید مراجحه نظامنامه سی موجبنجه فاض اوله رق
یوز سکسان غروشک تحصیلنه قرار ویرلدیکندن
و مستدعی وکیل قره کین افندی نك اشبو حکم
علیهنده کی اعتراضاتک خلاصه سی کفیلان
موسى الیهمانك مبلغ مکفول بهی تأدیه ایدوب
ایتمدکلرینک ثبوتی جهته کیدمکسزین یا لکر
سندک استخلاصه بنای حکم ایدلمسی مغایر قانون
اولدیفندن بختله اعلامك تقضی و مدعی علیهمانك
نتیجه جوابی دخی حکم اعلام موافق اصول
وقانون اولدینی کبی سندده کی مهرینی مکفول
عنه حسین نظیف افندی اقرار و اعتراف ایدوب
اعتراضات مسروده واهی و بی اساس ایدوکی
بیانیه اعلامك تصدیق طلبندن عبارت
بولنشدر .

اعلان

مصطفیٰ اغانک $\frac{۳۳}{۳۳}$ نومرو سیله مقید اعلام
موجبنجه عبدالکریم بک ذمتنده محکوم به اله جنی
اولان معلوم المقدار مبالغتک تأمین استیفاسی
ضمننده خالیجی اوغلنده سرودلیجده محمود اغا
محلہ سنده قره اغاج جاده سنده طقسان ایکی
نومرولی بر باب قایقخانه ده متصرف اولدینی
ثلث حصه شایه سنک جزیلہ فروختی بک اوغلی
بدایت محکمه سی ریاست اولیسی جانبندن تحت
قراره التمش اولدیغندن تاریخ اعلاندن اعتباراً
اون بش کون صکره بالمزایده فروختنه تشبث
اولنه جنی بک اوغلی بدایت محکمه سی اجرا
مأموریتی جانبندن اعلان اولنور .

فی ۲۸ مارت سنه ۳۱۰

عبدالممش بکک اقامتگاهي مجهول قدسلی
یوسف ناوون افندی ذمتنده مطلوبی بولنان
بیک درتیوز عدد یوزلک عثمانلی لیراسنک تأمین
استیفاسیچون مومی الیه یوسف ناوون افندی یافه

اوواسنی اروا واسقاسی حقننده وقوعبولان
تشبثاننه بناء نافعه نظارت جلیله سنه تأمینات اولمق
اوزره امانه عثمانلی بانقہ سنه تودیع ایتیش اولدینی
بیک عدد یوزلک عثمانلی لیراسنک تحت حجزده
طوتمسینه درسعادت بدایت محکمه سی ایکنجی
حقوق دائره سنده فی ۲۸ مارت سنه ۳۱۰ تاریخنده
قرار ویرلمش اولمغله درت نسخہ دن عبارت بولنان
مذکور حجز نامه دن اصلنک دائره ده حفظیلہ
اوج نسخہ صورتدن ایکی نسخہ سی علی الاصول
لازمکلا نلره تبلیغ قلندی نی کبی دیگر بر نسخہ سی
دخی محجوز علیه مومی الیهک بروجه محرر
اقامتگاهي مجهول بولنسنه بناء اصول محاکمه
حقوقیه قانوننک یکرمی التبعی ماده سنک فقره
اخیره سی حکمنه توفیقاً دائره دیوانخانه سنه تعلیق
قلندی نی درسعادت اعلامات نظامیه اجرا دائره سندن
اعلان اولنور .

فی ۳۰ مارت سنه ۳۱۰

(مطبعة عامره ده طبع اولنمشدر)